

KANNADIK TRÉGLONOU

Eul Levrik peb Miz, da zelc'her en ti

Ar voterez disul kenta

Petra zo da ober disul? 1° Da genta mont d'an ofisou: « Dieu premier servi. » Ma kredomp e zeuz eur mestr treac'h deomp oll, hag a c'hell hon diskar pa blico gantha, ar pez hon deuz da genta da ber eo senti outha.

2° Ha da c'houde? Disul, da c'houde beza great hon never e kenver Doue, e rankomp ober hon never e kenver ar vro, da lavaret eo mont da voti. — « Eun never eo mont da rei hor mouez pa vez votadek? — Ia, a lavar an Iliz er chatekiz, eun never eo. »

Dre-ze eta, it oll da voti — dreist-oll ma zeuz diou listen en ho parrez, eul listen katolik, hag eul listen digristen, pe da vihana klouarik.

Ar re a vezo en oferen vintin, mont da voti araok mont d'ar gear.

3° Evit piou voti? Ma 'z oc'h bet en ofisou, emechans n'euz ket izom da lavaret deoc'h evit piou e rankit voti.

Egari a ran pa glevan henvel parrez kristen eur barrez hag a vot fall! Pet guech gouskoude ne m'euz ket klevet lavaret: « Oh! er barrez-se e oar mad da vont d'an ofisou. Ar mission zo bet heuliet brao eno. » Mad, unan a zaou neuze: pe er barrez-se ne sklerijenner ket ar barrezioniz ne gomprendont ket ho neveriou d'ar voterez, pe ar barrezioniz a c'hoar e reont eur gual bec'hed o voti fall; ha neuze ne c'heller ket lavaret e zint kristenien vad.

II. Pebez treitor! Pebez Judas!

Petra lavarfec'h deuz eun den hag a iafe da di he vestr da ziskouez karantez dezha, da lavaret dezha eman a du gantha; hag en eur zont euz a di he vestr a ia a eneb dezha, a dro gant ar re a zo a eneb dezha? Lavaret a rafec'h a dra zur: « Pebez trubard! pebez Judas eo an den-ze! »

Mad siouaz! ar seurt treitorien, ar seurt judaset-ze a vezo niverus disul.

Var a gounder, er voterez diveza er Finister evit ar Senat e ioa bet beteg 900 euz an elektourien en oferen er Gatedral da 11 h. 1/2, ha goulskoude 646 hebken a vote evit ar c'hannad kristen Chauvel.

Disul e kalz parrezion ec'h erruo ar memez tra euzus. Guelet e vezo an trubardet-ze en iliz. Ne vezo chapeled ebet en ho dourn avad; ne reint nemed kaozeal pe c'hoari gant ho zok epad an oferen. Goulskoude peguir int deuet d'an iliz, e tiskouezont beza a du gant ar gristenien, e reont an netz da veza evit ar relijion, evit ar peoc'h er vro, hag en eur vont euz ti an Aot. Doue e zeint da voti evit eur Bail benag, da lavaret eo evit enebourien an Iliz, enebourien al lealdet hag ar peoc'h er vro.

III. Peseurt droug a reont?

Da genta eun droug bras dezho ho-unan, abalamour d'ar pec'hed grevus a reont.

KELEIER AR BARREZ

PARDON BRAS SANT PAOL

« Ne c'hellin Morse ankounac'hat kement am euz guelet ha klevet er pardon-man, a lavare an aotrou Livinec, kaner an oferenn-bred. Nag a feiz etouez an dud-se! Nag a zoujans hag a garantez evit an Aotrou Doue! Enor d'ar beleg a zo e penn eur barrez ker kristen! »

Setu komzou eur beleg santel ha gouziek. An aotrou Livinec a ioa « professor » e kloerdi Kemper en amzer ma edo abad aotrou person Treglonou. Bet eo ives person e parrez Plouenan.

Eno en deuz kavet skridou koz, selaouet lavariou an dud divar-benn Anna ar Zant (Anne Le Saint), ha great gant an en-klask-ze eul leorik devot ha meulius meurbed. « Omonier » seurezed edo da ziveza e parrez Sant Joseph ar Pilier-Ruz; hag e vije bet c'hoaz panevet e vec'het. Poan en deuz kemeret an aotrou Livinec da zont da Dreglonou, met e-unan en deuz lavaret hag aslavaret n'en doa ket a geuz.

Hag evit guir, eun dudi oa beza en iliz. Evidon-me ne c'hellen ket ha kadoriou awalc'h a vije evit an oferenn-bred, met evit ar guen ha glaz renket en eun doare dispar; aour an tabernakl ha koevr an c'chantoriou a lugerne splann; hag ar goulaouennou a ioa ken niverus ma vijet bet eur pennad ouz o c'hounta. Kaer oa m'el lavar deoc'h.

Ha tud a ioa er pardon, en despet d'an avel ien. Ne ouzoun ket ha kadoriou awalc'h a vije evit an oferenn-bred, met evit ar gousperou oa ranket digeri dor vras an iliz, kement a ioa a dud er vered hag o doa c'hoant klevet ar c'han. Rag kanerezet Treglonou, anavezet tro-a-dro, ne vezont klevet nemed en iliz. Aman avad e zint mad-tre. N'eo ket e Treglonou ec'h en em gavo ar pez a c'hoarvezas en eur barrez ne c'hellan lavaret he hano: Deiz eur goul bras-bras, ne voe kavet nemed eur vaouez da respount d'ar veleien evit an hymn « Celestis urbs Jerusalem. » Ha penaoz e teue ganti! Guir eo ne oa ket a vuzikerien evel an aotrou Calvez, Kloareg euz a Plouguerne, pe Marie Bescond euz bourk Treglonou, da zikour ar vaouez-se ha n'he doa nemed bolonteze vad.

Neubeut e komzin euz ar prosesion, rak n'em oa ket aotre da vont d'he heul beteg Introun Varia ar Pont. Guelet em oa goulskoude peger kaer oa ar mere'het a zouge ar banielou ha skeuden ar Verc'hez gant ho guiskamant guen. Var benn ar priejou iaouank a zouge skeuden nevez Santez Anna, e l'intre ar gorneten meulius. A drugare Doue an amzer n'on ket fall ar arook distro an dud d'an iliz.

Var a glevan, er bourk an holl « gomersanted » o doa sarret e ziez epad ma tremene ar prosesion, hug an dud a ioa var o zro a deuaz ganho o-unan dirag o dorion da zaludi relegou Sant Paol.

Parresioniz Treglonou o deuz eun devosion vras da Sant Paol ho falron benniget. Fisiens o deuz en e c'halloù en env, ha n'eo ket hep rezoun. Evel a lavare dezo an aot. persoun, dourn Sant Paol en deuz benniget ho zud koz, hag a gendalc'h da ziwal o fam'liou, ar barrez abez. Selaouet eo gant an Aotrou Doue. Koulskoude, evel en deuz displeget dezo an aotrou Thomas, person Lannilis, evit kaout bennoz an Aotrou Doue hag e c'hrasou dre zourn Sant Paol, n'euz hent ebet ken eün ha beva evel ar zant er

Perak eo eur pec'hed bras voti fall? — « Abalamour o rei ha mouez da dud fall e lakeont d'hor gouarn enebourien Doue hag ar relijon, a zo ive enebourien ar vro. Klevet a rit?

E guirionez, piou zo o c'houarn ar vro? An deput et, ar senatourien. Hogen, gant piou e vez hanvet ar senatourien? Gant konseillerien an ti-kear. Gouzout a rit e za unan, pe daou, pe dri, pe ouspen diouz ma vez niverus ar c'honseil, e za eta lod euz ar konseillerien da voti da Gemper bep 9 vloaz evit henvel senatourien. Dre-ze, ma zeuz kalz senatourien fall evel ar Bail, piou zo kaoz? Konseillerien an ti-kear, ar radikalet ruz.

Ma rankomp paea dion skol, piou zo kaoz? Ar senatourien fall, evel pevar ar Finister. Hogen, eur vech c'hoaz piou a gustum henvel ar senatourien? Konseillerien an ti-kear pe re all dibabet ganthro. Gouzout a rit ive e c'hell conseil an ti-kear rei sikour da skoliou ar barrez, d'ar skoliou kristen evel d'ar skoliou laïk. Ha goulskoude e zeuz kalz konseillou ti-kear hag a ro sikouriou bras da vugale ar skoliou laïk ha ne roont ket eur guennek da vugale ar skoliou kristen: piou zo kaoz? Ar re ho deuz votet evit ar konseillerien disleal ha digalon-ze.

Ma ne c'hell ket ar Freret, ar Seurezet ober skol, piou zo kaoz? Ar senatourien. Hogen piou a vot evit ar senatourien? Ar konseillerien. Kompreñ a rit breman an drouk a ra konseillerien digristen ha disleal? En ho farrez lod anezho a jom sioul, mes voti fall a reint atao, ha dreist-oll pa zeont da voli evit ar senatourien da Gemper.

Kompreñ a rit guelloc'h breman an drouk a ra d'ar relijon ha d'ar vro ar re a gustum voti fall? Kompreñ a rit breman perak e lavar an Iliz e reont eur gual bec'het?

IV. Ha goulskoude !

Ha goulskoude, nag a dud disul a ielo adarre var ehün euz an iliz da voti evit ar seurt konseillerien-ze! Perak? Han, abalamour ma zint kerent dezho, pe abalamour o deuz rentet eun tam servich dezho, pe abalamour ma leveront dezho eo tom an eol pe e ra glao pa erruont ganthro, pe dreist-oll abalamour ma zint mad da bae... banneou.

Siouaz ia, setu aze perak aliez e vez preferet eur c'hristen klouarik pe eun disleal, eun treitour zoken d'ar gristenien guella, d'an dud honesta, lealda zo er barrez.

Mad, selaouit breman ar pez a lavar an aviel euz ar re a ro ho monez d'ar seurt tud-ze: « An hini, eme an Aot. Doue, a gar muioch he dad, he vam egedon-me, n'eo ket din ac'hanon-me. » Klevet a rit komzou Doue? Ha petra lavaro 'ta neuze euz ar re a voto evit tud digristen ha disleal var zigares ma zint kar pe mignoued dezho, pe abalamour e zint brokus da baea pinard?

Dre-ze, lennerien karel, ma zeuz diou listen en ho parrez, selaouit mouez an Aot. Doue, ha na zit ket da sklabeza ho taouarn hag ho koustians gant listen enebourien Doue hag ar vro, pe kristenien klouarig, ho deuz kountel da drouc'ha diouz an daou du. Ma n'euz nemed eul listen, roudennit ar re ruz-tan ha disleal, ha likit en ho leac'h kristenien vad, leal ha gouziek.

Setu aze dever an elektourien kristen. Kalz a dra zur a ielo adarre a eneb an Aot. Doue ha mad ar vro: guaz-aze evitho. Abred pe divezad e paint ho dizentidigez.

Ar billet vot

Setu eun tam paper, da velet didalvez,
A ra deomp goulskoude melkoni hag enkrez.
Etre daouarn eun trubard hag eun digoustians
E sikouro goaska an Iliz hag ar Frans.

beden hag el labour. Ha p'e gñir em euz diskuliet hano ar prezeger, ne gemenin ket ar boan da lavaret eo bet selaouet mad ar gentel.

Goude ar pardon e kresko c'hoaz e Treglonou ar garantez evit
Sant Paol.

Trugarekât a reomp hor mignon Lan ar Bunel euz ar meu-leudi en deuz roet da c'houel bras hor parrez.

Petra benag eo plijet kalz, var a leverer, hor pardon d'an oll, e kredomp goulkoude eo eat hor c'hamalad Lan eun tam dreist ar rouden.

Ia, bennoz Doue a leveromp, en hano ar barrez abez, d'an aotrou Livinec, d'an aotrou Thomas, d'an oll aotrounet beleien ha kloareget deuet da enori Sant Paol a Leon, hor Patron galloudus.
Ar C'hannadik.

Pask ar vugale hag ar Gonfirmasion

Evel ma c'houezit dija, pask ar vugale a vez disul kenta. An aotrou Kervran, person Guimiliau, hag an aotrou Grignoux, person Coat-Meal a zo plijet ganthro dont d'ober ar retret.

Dimeurs, 7 euz ar miz, goude kreiz-deiz, ar vugale 9 bloaz, ar re gant ho c'henta, ho eil, ho zrede pask a resevo sakramant ar Gonfirmasion.

Paeroun ha maerounez

Paeroun ar vugale a vez konfirmet eo Joseph Mao euz Kerloc'hou. Maerounez, Philomène Ropars euz ar bourg, deuet mad d'an oll abalamour d'ar boan a gemen gant ar vugale, bihan ha bras, ha ma zeo ker mad da renta servich d'an iliz en eur gement ato perz e kanaouen an ofisou.

An aluzen evit sevel eur Seminer nevez

Ar barrez: 7.500 lur.

Breuriez Bugale Mari: 445 lur.

An aot. person: 1.000 lur.

Ho trugarekât a reomp a greiz kalon, parrezioniz ker, euz ar sikour ho peuz roet d'an Aotrou 'n Eskop evit sevel ar Seminer. Diskouezet ho peuz ho feiz hag ho kalon. Komprenet ho peuz evit petra hag evit piou e c'houenne Mestr an eskopti hoc'h aluzen.

N'hon deuz ket bet a aluzennou bras e neb leac'h, n'edomp ket o c'chedal. Rak, a drugare Doue, ma zeuz meur a famill en ho eaz er barrez, ne zeuz hini pinvidik bras. Hirra ma zeuz bet eo 300 lur e daou di. Mes oll, ha dreist-oll ar beorien, ho peuz diskouezet bolontez vad. Bennoz Doue deoc'h oll.

Miz MARI

Setu erruet adarre miz kaer ar Verc'hez, miz Mari, miz ar bleuniou. Gouzout a reomp e vez eun dudi guelet peger kaer e vez lufré skeuden ar Verc'hez en iliz, ha zoken e pep ti. Met ar pez a ra muia plijadur d'hor Mam euz an env eo guelet an dud niverus bodet en dro d'he skeuden. Setu ar boket a bli ar muia dezhi. Ra vez great eta miz Mari e peb ti var ar meaz. Hag ar Bourkiz ha porsegraiz a deui d'an iliz. Gouzout a reomp ho peuz kalz devosion d'ar Verc'hez, ho peuz fisians leun enni, ha kaout a c'hellit:

« Heb Mari ne vezet ket salvet,
Gant Mari ne vezet ket kollet. »

Diouz ped gual ive oc'h bet diouallet gant ar Verc'hez? Er bed all e c'houezimp an dra-ze.

Ha goulkoude e kav deomp eo falleat ar goazed da zont da viz Mari. Sonj hon deuz da velet tost-leun an iliz evit ar pedennou kaer-ze, ha zoken muioc'h a c'hoazed eget a verc'hed pa veze ar besketerien er gear. Breman hiniennou a vank — memez pa ne

vezont ket en aot, pa vez mar-vor. Perak'ta? Daoust hag ho feiz a ve berreat? Neuze hon deuz truez ouzoc'h, rak Mari a zo atao dor ar baradoz. Oll eta da zakramanti ha da viz Mari pa vez possupl edoug miz ar Verc'hez.

Eureujou, 16 a viz Ebrel

En deiz-se da 10 h. hon deuz liamet gant sakramant bras ar briedelez Pierre Mao euz Kerloc'hou ha Françoise Guiziou euz Kerc'had. Goaz enor Ferdinand Lazennec euz Pen-ar-Vali, Plac'h enor Marie-Anne Guiziou euz Kerc'had.

Ar Plac'h nevez a ioa guisket evel ma vez breman dre aman an oll merc'het a skiant: e guen ha korneten var he fenn, evel var benn he Flac'h enor.

En ti-ze e Kerc'had hon deuz guelet daou var ho zremenvan, an tad hag ar verc'h, daou zant a c'heller da lavaret. N'euz forz gant piou e komzet euz Marie Guiziou, e klevet raktal: « Hounnez zo eur zantez. »

Assuret omp e chomo an ti-ze eun ti kristen start, rak an Dud nevez ho doa kommunit e oferenn ho eured. Hogen, daou hag a zigemer an Aot. Doue en ho c'halon kerkent ha ma zint eureujet, penaoz a gav deoc'h e c'helpent beza priejou fall, digristen? Nag e vezomp laouen o velet an Dud nevez ouz Taol Jesus d'an oferenn eured!

Er memez dervez Theophile Mao, euz Kerloc'hou, ha Marie-Yvonne Treguer, euz ar Vouc'h-Ven, a ioa bet eureujet er Vouc'h-Ven. Er memez dervez c'hoaz ec'h eureujet e Plonguer Louis Guiziou, euz Kerc'had, ha Marie-Yvonne Arzel, euz Plonguer.

Al lein friko a ioa e Lannilis. Eun tam koan a ioa bet ive, mes eur beleg en deuz lavaret deomp edo lipet ar pred abenn 7 h., hag an oll doareet da vont d'ar gear. Setu em euz kollet eur banne kafe ouz Louise Kerloc'hou; rak pa on deuet da c'houlen konje da ober koan, em oa pariet outhi ne vije ket echu ar predik-ze abenn 7 h.

Esperout a reomp eta n'ho doa ket tud ar vriko tennet malloz Doue var an Dud nevez — evel ma reont re aliez siouaz!

Klevet hon deuz goulkoude komz deuz eun dans great var ar blasen foar, ha n'oa ket plijet d'an oll, dre ma n'eo ket deread. Var a gounler e veze unan e kreiz an dans, ha da c'houde eun neubeudik e zea da gaout an oll dud euz an dans. Ne ouezomp ket perak e zea beteg an oll danserien..,

Euz peleac'h eo ar re a rea an dans-ze? Diouz ma leverer n'int ket deuz Treglonou, na diouz Lannilis, na diouz Plouyian nag ar Vouc'h-Ven. Lakeomp neuze int deuz... Karkasson. Tudou ker, bezit atao derend pa viot oc'h-unan pe gant re all. Sonjut mad eman bepred lagad Doue o para varnoc'h.

Ha breman e pedomp ar Famill zantel da rei d'an tri rum. Dud nevez sikour ha sklerijen evit beza atao priejou kristen.

KOAT-MEAL. — Pask ar vugalo

D'an 22 a viz ebrel edo pask ar vugale e Koat-Meal. Akt ar Gonsekrasion ar vugale d'ar Verc'hez a oue lennet E BREZONEK gant merc'h hena an Aotrou hag an Intron de Blois euz maner Keraskouet. E brezonek: ententez mad ho peuz? Setu aze eun tad hag eur vam enorus meurbed ha n'ho deuz ket a vez o kazeal iez kaer hor bro, hag ouz he deski d'ho bugale. E guironez, daoust hag oll dud Breiz-Izel ne dilefent ket deski iez ho bro?

Bennoz deoc'h. Aotrou hag Intron de Blois, euz ar gentel a roit da veur a Vreizad, ha dreist-oll da lod euz hon tud iaouank. Ar re-ma kerkent a ma zint eat e kear pe er zervich, kerkent a

ma c'houezont distaga eur « j'avons été, pe: nous on a été » benag, ne fell dezho mui kaozeal brezonek. Ma n'eo ket eur vez! Trefoet kena e teuont ive da veza, ha lakât a reont an oli da c'hoapât anezho. Tudou keiz! anavezet oc'h dre aman. It da ober jestou evelse el leac'h ne anavezzer nag oc'h ourin nag ho marc'hadourez. Eur professor euz « Lycée » Brest a egar o velet lod euz Breizis o tilezel iez ho bro; hen desket mad en deuz e-unan, hag en em lakeat eo da ober leoriou brezonek. He skridou brezonek a vez sinet « Gwalarn ».

Trugarekât a rankomp ive an dimezelik de Blois euz ar boan a laka da zeski brezonek. Dimeurs oa eun dudi ho kuelet, merc'hik ker, ha gellet e vefe bet o rei da skouer da oll bugale Breiz ma vije bet ive eun tamik korneten var ho penn. — *Ar Channadik.*

LANNILIS. — An amiral Exhelmans

D'ar 14 euz ar miz diveza an amiral Exhelmans euz Bohars a oa bet oc'h ober eur gaozeaden talvoudus e skol gristen Lannilis. « Guelet a rit, emezha, e zon erruet e c'heller lavaret e lein an enoriou, pegnir e zon amiral. Ha goulskoude da betra e servich d'in an enoriou-ze? Ne m'euz kavet ar peoc'h hag dn eürusted nemed pa m'euz en em lakeat a zevri da ober ar pez a dle ober peb kristen: da zervicha Doue ha d'He garet. » Setu aze penaaz e komz eun amiral hag en deuz beachet, emezha, dre kement korn a zo er bed.

Diouz m'hon deuz klevet, an Aot. Jean de Kerdrel zo hanvet da evesaat var skolion kristen kanton Plabennec ha Lannilis. D'an Aot. de Kerdrel ha d'he vab bihan Yann e kinnikomp hor guella ménnoisiou.

GUIPRONVEL. — An aotrou FERTIL, 62 vloaz

An Aot. Fertil, person Guipronvel, en doa oferennet dilun ker iac'h ha kentoc'h, hag araok teir heur edo... er bed all! Petra benag ma oa karet e Guipronvel eo falvezet gantha e vije kaset he gorf etouez he dud da Blonevez-Porzay. Guipronveliz ho deuz diskouezet ar garantez ho doa evit ho Aot. Person, ar c'heuz ho deuz dezha, o tont a vanden d'he enterramant. Er servich bras ar c'hoazed ne oant bet re stank, mes ar pedennou a ioa niverus. Peb famill en deuz lakeat da neubeuta eur servich, ha lod zoken servich gant oferenn. Ar Channadik, Guipronveliz ker, a unan he bedennou gant ho re, hag a lavar ganeoc'h: *De profundis.*

BRÉLÈS. — Françoise MARC, 26 vloaz

Klevet ho peuz dija ar gual erruet er Froudren-Vras d'an 28 a viz meurs. Ar vere'h Françoise Marc a oue gual-skaostel, ha d'an 11 a viz ebrel en deuz kinniget he ene glan d'an Aot. Doue.

Ar plac'h iaouank sanctel-ma a dlie dizale mont e stad ar bri-delez, mes Doue en deuz kavet guel rei dezhi kurunen ar glandet kristen. D'he zad ha d'he mam glac'haret, d'he oll breudeur ha c'hoarezet, d'he contr Raymond Marc (K. B. er c'hannadik) e kinnikomp hor ménnoisiou a gaon, ha gantho e pedimp evit ho mere'h, ho c'hoar ha nizez ker.

TRAGU DA C'HOUZGOUT. — Taolit over mad

Setu aman ar bansion a vez evoe roet da dud ar vrezel, da intanvezed ar vrezel, da emzivadel ar vrezel ho devezo roet 100 lur bep bloaz e kef ar re zo bel var an dachen vrezel, pe ho zud. Caisse Autonome Nationale de retraite mutuelle des Anciens Combattants et Victimes de Guerre. — Les pensions indiquées sur ce

barème sont, en moyenne, actuellement inférieures d'environ 30 % à celles qui seront effectivement servies par la Caisse Autonome.

AGE au premier versement	AGE d'entrée en jouissance	NOMBRE d'années de versement	PENSION acquise par un versement annuel de 100 fr.
30 ans	50 ans	20 ans	375 fr. 65
31 —	50 —	19 —	345 09
32 —	50 —	18 —	316 19
33 —	50 —	17 —	288 87
34 —	50 —	16 —	263 04
35 —	50 —	15 —	238 63
36 —	50 —	14 —	215 55
37 —	50 —	13 —	193 74
38 —	50 —	12 —	173 13
39 —	50 —	11 —	153 66
40 —	50 —	10 —	135 28
41 —	51 —	10 —	138 40
42 —	52 —	10 —	141 79
43 —	53 —	10 —	145 40
44 —	54 —	10 —	149 27

Evel ma velit eta an hini en devezo roet 100 lur ar bloaz epad 20 vloaz n'en devezo roet nemed 2.000 lur, hag a doucho d'he 50 vloaz ha beteg he varo 375 lur 13 guennek bep bloaz. Dreze en devezo interest brao divar he arc'hant. Hag evel m'ho peuz guelet, ar Sosiete a lavar e c'hello rei a gav dezhi tost an drederen muioc'h a bansion eget ar pez en deuz promettet rei en daolenn-man, great ganthi. — Ar miz kenta e roimp an daolen euz a 45 da 61 vloaz.

An abostol sant PAOL e Treglonou

Guechal goz, e Treglonou, an aot. Person a gustume dibaba 12 paotr euz e skol gategiz evit walch'i d'ezo o zreid d'ar Yaou Gamblit, evcl ma reaz Jezuz d'e ebrestel. Peuryvia unan euz ar gurusted a veze euz an daouzek. Var n'glevan tud en oad, va zad koz eo a zo bet da ziweza ebrestel an aot. Person.

Er blavez-se, Per a Gerstephan, ar c'hurust Laou a Borz-Egras. Yan ha Saig euz Keriel, Job ha Thomas a Gerionan, ha choueac'h all ne ouezan ket o hanoiou — nemed va zad koz euz ar Venek, o doa poaniet ar mua da zeski ho c'hetelliou, hag o doa bet an enor da veza dibabet.

« Va mab, a lavaras e vam da Laou ar c'hurust, pa vezet hanvet Abostol e chomer abostol edoug ar vuez. » Ar vam en doa savet he biz en eur, en doa komzet krenvoc'h eget ar c'hustum, hag eur pennadik Laotik a oue lakeat nec'het. Neubeud ha neubeud gouskoude e teuns sonj deza euz buhez ar guir Ebrestel. Skignet ha difennet o doa ar Feiz dre er bed, lu karet o doa Jezuz beteg mervel.

Hanoiou an Ebrestel iaouank a voe bannet er gador da zul Bleuniou hag an Aot. Person en doa lavaret: « Ar botred-ze a jomo en iliz goude ar gousperou — rak neuze e Treglonou ne vanke Morse den d'ar gousperou — evit deski petra da ober d'ar Iaou-Gamblit. Ma klevan avad e vije unan benag anezo oc'h ober e benn fall er gear pe er skol, e klaskin eun all en he blas. »

Goude an ofern-bred e voe mall bras gant ar baotred en em voda. Ober a reant evel an Ebrestel: tec'het a reant euz a douez

ar bed. Per a Gerstephan a lavaras d'e 11 kamalad: « Ha ma kemerfemp evit diciou hanoiou ar guir ebrestel? » — « Ia, ia, eme an 11 all, mad e ve avad. Met, eme Ber deomp breman d'hon lein, hag en em gavomp aman adarie araok ar gousperou evit en em entent. » — Ha iao ar baotred d'ar red, peb hini varzu e gear.

Er zulvez-se ne oant ket bet pell evit drebi ho c'hig ha fars, hag abenn ar soun kenta d'ar gousperou edont e-tal drav ar vered. Unan gouskoude a vanke. Piou 'ta? Allaz, gouzout a rit ar re dosta d'an iliz eo a en em gav ahes da ziveza en ofern: Paotr Forz-Egras eo a ioa pell varlerc'h ar re all oc'h erruout. Laou zo eur paotrig plijadurus, bleo frizet dezhan — eyel da P. K. — eur fri soun, eun daoulagad birvidik, hag atao dare da c'hoarzin. Berr oa var e felc'h pa erruas: « Ac'hanta paotred, eme Laou, great ar stal evit doare araok ma 'z oun en em gavet? » — Ia, ia, eme an unnek en eur vouez, roet an hanoiou. Me a zo Simon, a lavar Saïk Keriel. Ha me Filip, a lavar va zad koz euz ar Venek. — Ha ganen-me, eme Laou, en eur ziskolpa e zaoulagad, pe seurt hano zo lezet? — An diveza, eme Ber goustadik. — An diveza, an diveza? eme Laou, en eur grial, hano Judas neuze? Oh biken avad ne gemerin hano eun treitour! Nan, biken! Ha Laouik, ken farsus aketus, ne ra nemed lenva-forz, hag a dec'h diouz he gamaladet. E gamaladet o deuz truez outa hag a lavar etrezo: roomp deza eun hano all. — Per neuze, ar c'hossa euz an daouzek a lavar deza dousik: « Nan, nan, Laou, ne vezi ket Júdas. Te a vezoo an Abostol sant Paol. N'edo ket gant hor Zalver d'ar Laou-Gamblit, petra ra 'ze? Eun abostol bras eo evelkent. » — « Ia! ia! Laou, te a vezoo an abostol S. Paol, eme ar re-all en eur vouez. »

— Enor a reaz Laou d'e hano. Sant Paol a Porz-Egras Treglonou a oue helg. Mab + ren *ken da brezeg hr Feiz e broiou gouez an Afrik. Marvet eo e kreiz fleuren e iaouankiz. Eno e tenas an Aot. Doue d'e gemeret epad ma frealze eur paour keaz klanvour en e gichen, hag o tiskouez deza ar Baradoz. — Pe gours e vezoo adarre missionerien euz Porz-Egras, pe da vihana euz Treglonou? — Pa gaozeo ar mamou d'ho bugale evel ma rea mam Laouik. Gouzout a rit e lavaras dezha: « Va mab, pa vezet hanvet Abostol e chomer abostol keit ha ma pad ar vuez. »

Lan ar Bunel.

Keleier. — 16 a viz ebrel, eured Pierre Mao ha Françoise Guizion, 1 klas.

Badezet: 25 a viz ebrel, Joseph-Auguste-Marie Le Vern, euz ar bourk. Paeroun: Joseph Milin, euz ar bourk; maerounez: Augustine Le Vern, euz Pors-Egras.

26 a viz ebrel, François-Marie Lhour, euz Kerarbeleg, 1 klas. Paeroun ha maer.: François-Marie Kerandel ha Marguerite Lhour, euz Lannilis.

Te Deum.

Eat d'ar bed all: 21 a^e viz ebrel, Marie-Perrine Lossouarn, euz ar bourk, 1 klas. Ar servich bras 1 klas zo bet disul. 74 vloaz.

Setu eun all euz Breuriez ar Mamou Kristen eat dirag Doue.

He C'hoarezet euz ar Vreuriez ho deuz lakeat pedi hag a bed ive evithi.

De profundis.